



Rezumu di Studu

Avaliasãu di Programa di Servisuz Flexivel di Project Bread

Patrosinador di Studu: Institutu di Kankru Dana-Farber

Na 2020, MassHealth lansa se Programa di Servisuz Flexivel (FSP – sigla na ingles), un projetu pilotu inovador ki ta permiti dinheru di Medicaid ser uzadu pa dezpeza ki ka e pa saudi FSP ten komu objetivu da resposta a kextonz di saudi sima inseguransa alimentar. Multipluz Organizasãu di Kuidaduz Rezponsavel (ACOs – sigla na ingles) na Massachusetts fazi parseria ku Organizasons di Bazi Komunitariu (CBOs – sigla na ingles) pa fornese servisuz pa klientiz elejivel na stadu interu. Kada CBO podi oferesi un konjuntu diferenti di servisuz dentu di FSP. Project Bread e parseru CBO sen fin lukrativu Koperativa di Kuidaduz di Komunitadi (C3 – sigla na ingles) pa trata inseguransa alimentar kroniku na pasienti ku duensas komplikadu atravez di setor di seguru di saudi, na un xforsu pa midjora rezultaduz di saudi a longu prazu.

Institutu di Kankru Dana Farber finansia Project Bread na primeru anu di um studu di trez anu pa intendi inpaktu di mudelo FSP di Project Bread na segurança alimentar y na saudi di povus di Massachusetts tradisionalmenti marjinalizadu. Project Bread kria un intervensãu nutricional inovador, ku bazi na skolha na kolaborasãu ku C3 pa pasientis ku defisiensia kroniku fiziku y/ou mental ki ten inseguransa alimentar. Ez intervensãu ta fornese variuz ben y servisu ki ta trata barera pa asesu a kumida sima apoiu finanseru, material di kuzinha, edukasãu y transporti. Objektivuz di investigasãu di Project Bread's é:

1. Midi alterasãu na situasãu di inseguransa alimentar na klientiz di FSP di Project Bread dipoz dez kompleta programa.
2. Avalia inpaktu di servisuz di nutrisãu di Project Bread.
3. Rekolhi daduz di implementasãu di programa na Trabalhadoriz Komunitariuz di Saudi di FSP (CHWs – sigla na ingles) y klientiz pa midjora servisuz di entrega di nutrisãu di FSP.

Komponentiz di Studu

- 14 entrevizta ku Trabalhadoriz di Saudi di Komunitadi na Sentruz di Saudi di C3.
- 8-10 grupuz fokal ku klientiz antigun di FSP.
- 150-200 inkéritus ku klientiz antigun di FSP.

Pa alkansa kez trez objektivuz, Project Bread ta bai rekolhi daduz di CHWs na C3 y di antiguz klienti di Programa di Servisuz Flexivel. Ez informasãu ta djuda Project Bread determina opsons di servisu y tratamentu maz efetivu y efisienti pa klientiz di Servisuz Flexivel. Pa alen disu, Project Bread ta bai uza informasãu di kel studu pa anplifika voz y xperiensia di klientiz y di kez profesional di saudi na komunidadiz pa difendi inkluzãu di programa di Servisuz Flexivel na mudansas di polítika.

Kel studu li foi revizadu y aprovalu pa MassHealth, C3, y Konselhu di Revizãu di Harvard Longwood Campubns .